

Ed.

249. Nefndarálit

um frv. til l. um innflutning og gjaldeyrismeðferð.

Frá minni hl. fjárhagsnefndar.

Ég get ekki fallizt á frv. óbreytt, en legg til, að það verði samþykkt með eftirtöldum

BREYTINGUM.

1. Við 1. gr. Greinin orðist svo:

Ríkisstjórnin skipar fjögurra manna nefnd, er nefnist Viðskiptaráð. Skulu nefndarmenn skipaðir samkvæmt tilnefningu þingflokka, einn eftir tilnefningu hvers flokks. Skipa skal jafnmarga varamenn með sama hætti. Ríkisstjórnin skipar einn nefndarmanna formann, og ræður atkvæði hans úrslitum, ef atkvæði verða jöfn.

2. Við 2. gr. Greinin orðist svo:

Viðskiptaráð hefur þessi verkefni með höndum:

1. Ákveður, hvaða vörur skuli flytja til landsins.
2. Ráðstafar farmrými í skipum, er annast eiga vöruflutninga til landsins og eru eign íslenskra aðila eða á vegum þeirra.
3. Ráðstafar gjaldeyri til vörukaupa erlendis og annarra nauðsynja.
4. Úthlutar innflutningi á vörum til innflytjenda og setur þau skilyrði um hann, sem nauðsynleg kunna að vera eða verða vegna gjaldeyrisástands eða viðskiptaskilyrða.
5. Annast innkaup og innflutning á þeim vörum, sem ríkisstjórnin telur nauðsynlegt eða hagkvæmt, vegna viðskipta- og gjaldeyrisástands eða af öðrum ástæðum, að inn séu fluttar með þessum hætti.
6. Fer með verðlagsáskvarðanir og verðlagseftirlit samkvæmt lögum nr. 3/1943 eða öðrum lögum, sem sett kunna að verða í þeirra stað, og vöruskömmtun lögum samkvæmt. Þegar ráðið fer með verðlagsáskvarðanir og verðlagseftirlit, tekur verðlagsstjóri sæti í ráðinu sem fimmti maður.

Viðskiptaráð getur með samþykki ráðherra ákveðið, að innflutningur tiltekinna vöruhegunda skuli vera frjáls frá ákveðnum löndum, en senda skulu innflytjendur slíkra vara viðskiptaráði afrit af vöruþöntunum sínum, ásamt upplýsingum um verð og afgreiðslutíma.

Ríkisstjórnin setur viðskiptaráði starfsreglur.

3. Við 4. gr. Fyrsta málsgrein orðist svo:

Engan erlendan gjaldeyri má láta af hendi án leyfis Viðskiptaráðs, nema séu greiðslur vegna ríkissjóðs og banka eða vextir og afborganir bæjar- og sveitarfélaga. Landsbanki Íslands og Útvegsbanki Íslands h/f hafa einir kauprétt á erlendum gjaldeyri.

4. Við 5. gr. Í upphafi greinarinnar komi í stað orðanna „Ráðherra setur“: Ríkisstjórnin setur.

5. Við 9. gr. Síðari málsgrein falli niður.

6. Við ákvæði til bráðabirgða. Ákvæðið falli niður.

Alþingi, 28. nóv. 1945.

H. Guðmundsson.